

四庫未收書輯刊編纂委員會編

四庫未收書輯刊

北京出版社

捌輯・貳拾陸冊

四庫未收書輯刊

四庫未收書輯刊編纂委員會編

北京出版社

捌輯・貳拾陸冊目錄

敬亭詩草八卷文稿九卷補遺一卷〔清〕沈起元撰

一

茨村咏史新樂府二卷附錄一卷〔清〕胡介祉撰

三一九

暮觴詩集五卷二集三卷〔清〕成文昭撰

三九九

依園詩集六卷〔清〕顧嗣協撰

四五九

竹嘯餘音七卷附一卷〔清〕王特選撰

四九一

儉重堂詩十三卷詩餘一卷〔清〕紀邁宜撰

五二五

〔清〕沈起元撰

敬亭詩草八卷文
稿九卷補遺一卷

清乾隆十九年刻增修本

敬亭詩

艸

乾隆甲戌
新鐫

吳中詩學自明迄國初以來婁東為盛。梅邨兩先生開其先，繼之婁東十子，後則冰崖、梅漢諸先生散華落藻，炳炳麟麟，守三唐之家法而不稍墮宋人麓率鄙恠之習，彬彬乎風雅之正聲矣。吾友敬亭承白漣丈庭訓，少即稱詩，與予定交於蘭陵之既閑堂。才弱冠，每相見，劇譚不能已。迨予游日下，明年敬亭亦至，則相得益深，寓齋不數武，或二三至，相與切劇倡和。長安道上有許沈之目，猶記送陳秋田檢討之官，長寧各賦五言四章。越數日，太會於凝園，秋田衆中大言曰：「送行詩不下千餘家，無逾二子者。」座客皆驚。六雅儲二兄深嘆為知言，啞啞然笑不止。嗣同客西江，文幕遇佳山水，必同游，亦時得句，爭奇鬪險，以為笑樂。其間渡彭蠡，泛長江，帆檣道路間恍如少陵所謂疲眠秋共被，携手日同行者。迨後踪跡參商，或一年或二三年一合并，惟自予再入粵，留宿敬亭西江觀察官舍一夕，亦別後敬亭由臬而藩，入為九卿，不相見者十有餘年。余困廢菰蘆，謂敬亭身依日月，不知何時得再聚，首歲在己巳，敬亭則已引疾歸，復相見於蘭陵之樹滋堂，握手相歡，回首昔游如

昨日而我兩人則皆已老矣去秋以全稿屬論定古今各體悉秉昔賢之範出以清才激發忠孝卓乎可以行遠者也余近客太倉為敬亭故里敬亭顧亦以不能家食常客於外敬亭年七十余年七十有八猶復分道飢驅弗能一日以寧其居序君之詩而有慨焉蓋弗勝其同病之相憐而黯然以傷也乾隆甲戌秋八月同學年弟許廷鏞撰

序

二

序

從來人之窮達每因乎所處之境故當其窮即溺於窮而不敢以行義達道為己任當其達則又溺于達而不能復處乎簞瓢陋巷楮冠藜杖之常故措之於事見之於言戚乎不自得也皇乎惟恐失也此無他心無主而境累之也求其處窮達而超然於窮達外者唯家光祿敬亭先生先生為諸生困場屋幾於家無斗筰而先生偃仰自得若廟堂之上海寓之火無一非吾事者故當日發為詩歌聲出金石視東野食齋亦苦強歌無歡之語絕不類焉此處窮而能任乎達者也及乎入詞館後典劇郡陳臬事任旬宣國計民生無一不閱譬畫而先生於勤理公務外毫不為身家子孫之計繼而入長先祿僦屋以居蕭然故如諸生其託之詞章時得茂林窗前草不除明道吟風弄月之意此處達而仍復能窮者也海壯歲吟場接席服先生之才華既而或出或處履天各一方服先生之政治近者並官卿貳時相過從覺先生之言行氣象油然感人有如和風之動物而不自知者嗚呼倘所謂介焉安其業而樂非窮通者耶宜其發言為詩以道為歸而不惟求工於聲華偶儻之末也古

今體詩凡若干卷屬潛點定目刪而存之其格高者規撫杜陵長篇百韻以下俱近白傳即小詩吟亦不入宋元纖佻之習求其不合乎道者蓋刪殆幾乎德人之言矣夫論詩于先生已為第二義而詩之可重如此後之讀者因詩之近道以求先生庶其遇先生於窮達之外也耶潛憶辛卯歲謁先生贈公於婁東公亦訪潛於葑溪老屋出白漣集見遺并為述詩學源流本末公於潛為諸父行則先生為昆仲列也既晚入詞館為後進而先生篤宗誼仍以昆弟叙且以潛亦能不累於窮達稱

序

二

同志云

愚兄德潛撰

敬亭詩草卷一

起康熙乙酉訖康熙壬辰

太倉沈起元子大著

雜感八首

寂寂復寂寂空庭烟草積雙桐疎直幹高花儲鳳食鳳皇何時來秋風綠雲蝕徘徊向明月中夜生歎息

紫微開天門洋洋五雲麗星漢西北迴日月東西逝氣治陰陽和三公職奏對禮官肅禮祀司馬釋弩鎧屢赦囹圄空時豐倉廩滯司諫袞無闕有獻敬亭詩草

卷一

一

更罕替小吏奉文書大吏坐稱治一人獨聖明萬物紬智慧光風靜四海天子壽萬歲成康不足師堯舜宜有媿

譯

西京治安日賈生獨慨慷民風與國勢痛哭進忠讜願君興禮樂坐致三代上庶幾暴秦餘乾坤一滌盪聖主謙未遑目側勲戚黨承塵鴈鳥來高梧鳳長往丈夫快一吐敢期功業盛

孤雲遊空霄誰能相羈束飄颻若波浮翠嶽作峰矗倏與神龍遇晦冥變化速雷霆走光怪海水捲一羽滂沱浩傾注瞬息萬頃足時今儻未曾歸向

空巖宿

大道炳如日人心忽如月白日萬古在明月乍盈
缺三五得暫圓晦朔疑入穴四五及二七往往見
殘質鉤形曲以媚弦狀勁欲發三更或潛吐初昏
或倏沒小明匿大暗搗藥事偷竊安得白日光常
照死鬼徹

曄曄窓前花霏霏楊其芳亭亭春外樓灼灼朝來
妝悠悠有所思寂寂將何望同室苦異身異室復
殊方林花開更落日夕餘空牀

漢皇奮英畧志欲拓邊陲深宮側席憂帑藏如空

敬亭詩草

卷一

二

壘牧羊者誰子慷慨傾家財一助二十萬再助良
不貲朝脫牧羊屨夕暮已相齊是時相如病風雨
梁園悲家徒四壁立安用詞賦爲

人懷方寸心愁緒常萬丈海水何茫茫平原何莽
莽相對無可語獨立窺衆象酒滋太古味琴激清
冥響痛飲試一彈神與虛無往

秋日過顧思儼

秋容老更嫵楚步尋幽居天空高不盡水冷清如
無曲折依蔬圃往往逢樵漁何以識君家繞岸鮮
芙蕖稻黃喧鳥雀池晴漾遊魚種藥霜不死晚秀

盈階除分畦植菰韭向日課鋤靜觀造化理自
著經綸書此樂真自得淵明復何如

南燭歌

玄霜白雪連寒空一夜染出丹砂紅萬顆細膩光
瑤錯百穗勻圓垂絡索石家珊瑚滿庭碎湘娥涕
淚臨風落窓前采石觀古豔檻外黃綳照融燭鳴
呼當今鸞鳳多苦飢君家南燭何離離我欲采之
當竹實金喙飽嚼紅酣肥高竊紫翮冲霄飛

思家三首

時客吳門

敬亭詩草

卷一

三

春陰作寒風吹心歸堂前堂前母頭白多病當衰
年血枯體無溫樊榭空裝綿寒侵內生熱致減晨
昏餐傷哉食肉侯但進黃虀盤尙勤紡績聲青燈
夜闌千頻嗟暮景迫慮遠憂兒孫吾父出謀食作
客常悲酸生子亦何有念之摧肺肝

弱弟纔六齡面蒼氣卓犖胸中已了了漸見露頭
角憶昔期歲時抱弄比麟玉置膝對讀書傾注似
有覺三歲語未工人字隨口學四歲知識字剪紙
方一掬掉弄半寸舌老成受彈駁汝兄或期期欲
笑掩口縮嬉戲堪娛親汝兄愧頑樸今年出就傳
奉袂拜師慙爲離慈母膝歸來淚藏藪每將所受

業琅琅對兄讀別來半月餘智慧應更足勿復貪
遊嬉辛勤從自易

客愁愛良夜華月揚春輝徘徊深柳中玉鏡垂金
絲忽得空閨書書言病經時別時勸加餐別後但
舖糜誰能相勸勉百病祇自知慮傷堂上姑辛苦
強支持倘復急機絞女紅恐非宜寒燈照孤館三
復書中辭推意視明月欲下西南枝

集毛用雨漱芳居分和江文通雜體用原韻

陳思王贈友

合浦多明珠藍田富白壁登高邇長風念彼蓬蒿

敬亭詩草

卷一

四

宅知交有賤貧良愧德菲薄驚飈天際來明星四
五落惆悵罷西園蕭條掩東閣吾生良自難君子
復何若厚畜貴深藏文采晦金縢志士有所營出
處慎然諾時榮亦禍機端居且藜藿

劉文學感懷

危峰立孤鶴霜雪忽無色下飲澗水寒上棲松枝
直自非清風來誰爲一撫翼人生亦何爲屈勉簿
領職素女自貞潔丹粉強塗飾寫憂寄遨遊含鬱
獨反側悠悠哉白雲心未與衆人測

郭知農遊仙

咄嗟此浮生豈爾火山石緬思乘鶴遊采芝以鍊
鬼朝餐青餽飯夕飲沆瀣液大笑六合間雙丸擲
空隙披雲遇子喬千歲眼髮碧丹砂豈誤人不與
塵埃客聖賢與豪傑戚戚徒自迫

集顧孫繩靜觀樓分和謝康樂遊山諸詩

得遊赤石進帆海

海波極青冥塵壑始此歇身遊名山盡帆與孤雲
沒雕空詫蜃樓梳流玩石髮浩浩天容盪晶晶日
光發山沈石漱浪夜靜魚吞月河潢恍可通蓬瀛
豈難越虛舟泛遙心飄緲懷仙關一風吹萬里雙

敬亭詩草

卷一

五

九共飄忽聊資洗髓功庶謝六用伐

集抱觀堂擬詠史樂府分得李天下

謝

夾寨錦囊負三矢生子當如李亞子宮中少小傳
粉郎天縱聖智調官商優名自名李天下生長本
是歌舞場冥冥畫霧燦燦機槍營時置酒今時戰
戮尸橫積三番圖百戰破梁先計者誰伶人刺史
心念舊私批煩何怒彼能搥鼓鏡銅新磨光與帝
伍衛侯好鶴髮侯好龍君以此始必以此終嗟嗟
李天下爲樂死亦可絳霄一炬散排場骸骨猶將
綠竹裏

薄暮

落日秋色黃曠生奇姿林木互向背薄暝紛因
依含烟氣彌清波淡風微微浮雲渺漁艇日暮相
與歸空聞草蟲泣無復沙禽飛萬象淒以寂吾心
與之宜

夜渡陳湖

孤舟當落日客路正迢迢明月在何處碧雲空自
消帆飛度星漢鶴唳拂烟霄忽聽邨厓聲遙知好
繫橈

渡泖湖

敬亭詩草

卷一

六

平湖天與曠瀾望氣氤氲水色隨黃葉岸容依白
雲中流孤寺出一塔客程分近海潮來急無風浪
亦聞

舟晚

側日照雲背峻嶒發奇光爛爛金芙蓉灼灼明秋
塘丹黃影四射色奪天宇蒼我舟正相向歸心與
蒼林山幾變態日色依稀藏乘月挂帆穩且信
秋風長

遊千尺雪

聽雪聲在何處泉聲竹迥幽白兼雲影落冷入客

心流萬籟轉爲靜空山常自秋誰言山水勝亦復
藉冥搜泉爲趙凡夫
疏濬所得

人日詩效玉川體

相傳人日人所生詩老由來愛其名我因此日增
萬感欲叩閭闔號冥冥化兒於人意特厚神鑪巧
鑄稱獨靈面目開朗潤肌髮不似羽毛蒙晦獯
猩牙齒吸闔掉弄三寸舌出納盡態不似山鳥間
關鳴屈曲十指職持物穿鑿混沌百藝呈蹻捷兩
足工步履餘伎拜跪趨蹌行不似牛豕但馳突狼
跋豹躍跳颺颺天旣愛人界人耳目手足口體鼻

敬亭詩草

卷一

七

便當仁義禮智含性情胡爲稟賦有不齊賢愚巧
拙殊心形天若厚此人更當縱其欲高官大爵飽
粱肉朝歌暮弦恣威福胡爲復制以命數使人垂
首屏息俯仰增跼促坐擁百萬貲黃金可畚揭胡
爲復使銅神作祟憂象齒銅臭薰骨生齷齪山中
野人所願微但願倚巖傍水結搆數椽矮茅屋尋
風松間弄月竹裏破書一卷隨口讀牀頭有酒可
醉客囊中有米足果鷄鼠腹所願亦易給胡爲必
使飢來顛倒相驅逐天生正直人謂當秉其德主
持名教參化育補塞罅漏不遺力諒亦不負天天

胡故遏抑我師孔子大聖人一車兩馬走不息著
書大抵頌天德反令後世讀者多阨塞天生聰明
人謂當逞其才刻畫造化剔幽怪黼黻山水光雲
雷天胡復生妒忌心謂是偷取寶物發秘奧罪擬
盜竊同椎埋昌黎貶斥杜陵竄昌谷天死令人哀
世間人類四千八十億萬萬其中日日開口大笑
者一二人已耳愁端如潮復如霧又如絲亂不可
理一日千愁月萬愁倏忽霜凋玄髮蟲齧齒何用
名爲人反不若牆邊蝸牛趁晴日無心遊行階
屺沈郎七尺負奇志天生此人豈無意小時懷古

敬亭詩草

卷一

八

慕堯舜下想禹湯文武成康治憑風欲招伊呂寬
糞除六合揮長簪雄心暫寄筆視間豪氣時吐秋
虹避胡天故折挫復使豎子二周遊轉徙遍歷五
內心爲人君主君德衰替慚聖智肺乃清虛府金
然欲鑠燥苦脆脾居中央土疲癯不運母道廢肝
以春德王木氣橫決發嗔恚兩腎水之藏水衰火
亢雷出地架上置書一萬卷終日對之不敢視杯
中有物戒不飲偏令獨開醒眼看羣醉父生乙酉
母丁亥母年六十二父壽六十四父衝太行九月
雪故交冷落空侘僚母憂兒病淚眼枯冬夜月寒

愁不寐念之骨摧肉跳擲寸心欲與春水碎沈郎
顛首涕雷席愬天告天來世休爲人願得託胎富
媼化爲泰山頂上一片石不頑不靈不肥不瘠吐
納雲霧客邇月日千秋萬古哭兀峭勁倚穹碧

春夜獨坐

露重花寒春寂然柳絲風影故娟娟月來海底如
新浴雲到天心欲化烟抱病偶然成獨立思親無
計可安眠白頭客況蘇門嘯時父客衛輝盼盡征鴻信
未傳

澄江遊何氏澹園

敬亭詩草

卷一

九

蘿援週遭細徑通柳枝深處小簾櫳數聲鳥語四
天碧何處花香一院風山入短塹青不斷竹搖晴
沼翠如空勝流繹絡留題去幾許春光鎖落紅

賦得蘭

春氣動三湘東風是處狂誰將芳草色一淡衆花
香似爾素心少偏言幽意長幾多深谷裏不採自
含芳

閨思

燈花昨夜好心緒今朝惡含凄怨燈火掩淚桃花
落

折花折會盡此意惟郎曉女伴少心知粧成不言好

題繆武子小照

松古不以年人古不以貌愛此澗畔姿修翰白雲抱幽人時獨來撫此一長嘯

秋日同繆文子過王小山館舍言懷

今人一何少古人一何多聖賢與豪傑彪炳丹青羅古人若磐石今人若流螢磐石永不滅流螢沒無精人生不自立流年付一擲秋風吹蘭華搖落良可惜仲尼沒世戒淵明形影責我胡費日月去敬亭詩草 卷一 十 去各努力

秋夜

碧梧聲脆氣蕭森猶有寒蟬噪晚林一滴涼生清露響九霄閒殺白雲心養疴公幹能遺世伴客斯益和短吟却訝月輪偏有桂鏡中終古點微陰

吳門送王愚千姊夫之瓜步

歲歲別君出忽復送君行今宵望明月不獨故鄉情

賦得冬嶺秀孤松

霜洗千巖淨孤松始不羣一枝寒挂月半壁凍棲

雲獨寄青山色還留短日曛廻看虛白裏落葉正紛紛

賦得池塘春草

每憐芳草色識得春風歸空水相和碧斜陽與共微昨來猶有逕偶坐欲侵衣幽意隨漁父年年上釣磯

寄懷武子

靜夜悄無暑修梧動綠陰空堂憐影獨遠岫寄懷深月露洗新句天風吹古心雙泉三載話一夕滿離襟

敬亭詩草 卷一

十一

秋夜獨坐

涼風感絺綌秋意夜來早行雲避月光河淡衆星少蟲聲鳴得意聽者自傷抱坐久百愁生寒淚落幽草

舟次維亭望月同文子武子鳳翎作

萬里雲消淨點埃孤懸片月自徘徊高空玉鏡將疑墜縹緲佳人似欲來潮送寒光天外盡窻邀清影夜深開與君對此誰能寢圓到今宵歲幾回

庚寅元旦口號

空縣小影肅朝參兩眼看兒淚似含孫女抱來能

見不病時猶記祝生男

拊祭還傷弱弟身伶俜隻影倍酸辛追隨地下偏
先我跪拜堂前更少人

葬後哭桂弟

弟以已丑十
二月痘亡

余病常憐汝嗟今更視誰八齡虛早慧一弟遽長
辭頻絕呼兄急先期死自知北風吹獨樹蕭瑟莫
天悲

吳樹驚親夢歸來欲見遲幾回曾覓父此日重呼
兒白髮傷哀數衰門值數奇九原翻羨汝母在得
相隨

敬亭詩草

卷一

三

轉眼成人在傷心長大難荷衣迎客慣篝火讀書
殘每喜勝余拙偏能得母歡客中曾憶汝詩在可
重看

生時不識姊葬處却相依孤穴雙魂嘯鴿原隻影
飛草心添母痛雪涕背翁揮哭罷歸何處回頭慘
落暉

同馮簡緣繆文子武子看梅西山雨後自

胥江放棹

風雨宵來歇梅花寄好音江空漾春影天遠入閒
心草短和烟碧村孤借柳深舉頭狂喜處一帶白

雲吟

宿耐久園僧舍

禪榻近窓窓近梅寒香暮色共徘徊老僧獨坐空
山靜花影滿窓知月來

簾外寒光浸綠墀燈殘鐘斷卧敲詩吟心却似初
升月只在山梅第一枝

宿竺山和簡緣丈

看花湖上窮攀緣歸來便向山中眠踞牀急思書
所得搥筆欲落心茫然依稀尚記數株雪山均半
吐蒼翠裂傍松映竹似相待風細天寒逗芳潔山

敬亭詩草

卷一

三

開湖遠萬樹繞玉妃縞素當清曉稠疊煙鬟盡收
粧一夜春風天地老穿林盡日花中行苔枝鐵幹
紛縱橫微風動搖日影薄花光時漏湖光明須臾
日落月滿山色香疑有疑無間襲人襟帶沁心骨
却怨朋從邀歸還百歲看花屐幾兩何不誅茅依
翠嶂騎驢尋訪愧林逋瘦骨還能花底莽

石壁

慈山大師
結茅處

客從花中來僧向花中住誅茅傍峭壁日影常半
吐修篁入天翠偏愛侵細路石古柏根蝕松高巢
鵲乳羣梅遶牆外迴顧失來處款接來山童香茗

煮花露坐久客意安徘徊不知暮尋幽定頻來勿
以花落故

梅根吳人謂之梅椿

人生嗟遇合草木亦有然見錄非所常往往違其
天妍醜隨物好進退屬幻緣我來訪逸人踏遍西
山顛林深不知花彌望空素烟別有孤瘦姿鐵幹
撐清堅幽香一枝秀苔封或千年土人施謬巧曲
折同拘攣剪枝貼孤根性命幾不全下以刀鋸裁
上用棕絲穿如嫗簪嬌花如鸞擎寒拳妖紅既爭
豔新綠亦數鮮一本常五色白謂顧盼妍花工既
敬亭詩草 卷一 西

登七十二峰閣

水銀瀉地東南破具區萬傾洪濤鍛鏡蝕瑠璃
亂峰壓浪撐空問誰作或如帆檣天際浮或若鳬
鷺煙底卧海螺行泥有時立翠髮遺珮凌虛坐何
年絕岸建危閣閣成儼受羣峰賀東風吹山萬梅
白積素欲與湖波大我來偏當日欲暝疊疊高低
碧煙和目送漁舟欸乃歸夕陽影裏看花過更擬

明朝縱一輩快遊爲鼓平生懦

分雲亭小飲

誰來巖壑裏分得白雲莊古屋從梅老平湖入座
光落花石上醉清話水邊香最愛經行處低枝帽
屢妨

太湖泛舟次簡緣丈韻

湖光激灩花光空濤聲冷漱蒼山松一葉飄將客
心去咫尺已似超鴻濛指點朝來快遊處狂呼肯
怕驚螭龍風吹夕陽半輪濕欲落未落沈沈紅掇
柁歸來不數里煙截遠峰平若砥山頭一片月流
敬亭詩草 卷一 五

波回看却失湖中水

初夏王小山過談期顧玉停雙栗不至因
同步南園作

春歸遠林靜風蕩日影綠晴窓宜清談獨坐喜剝
啄庭前雙翠禽相對語音淑枝動禽自飛花殘蝶
猶宿轆轤無停聲車輪無停輻閑時一寸陰常比
徑尺玉請呼舊徒侶共坐玩清旭

知已莫恨少但恨易契闊緬懷雙壁人咫尺想天
末園中豆莢長籬下笋芽茁望君君不來采采不
成設良晤如餐英懷人等咀蘂百年苦短短多愁

常少悅人生一日談應消十年別

南園鬱森爽下有紅薇花嬌香挂短籬零落春無
家看花不問主幽徑直復斜空潭澄濃陰晴碧消
輕霞鳥聲亂風竹魚浪洄烟波平橋坐宜釣談深
夕陽多遙憐月出時清絕雲林窩徘徊不能去奈
此煙光何

集毛丈今培齋賦得流杯池

春風如醉波如酒曲水風流水和舊今昔無端逸
少悲問識後來狂客不醉來欲喚池中天夕陽明
滅空波煙隄柳絲長草芽短我將與爾沙鷗眠

敬亭詩草

卷一

六

天上

天上秋還到人間夢易沈一庭衰草色幾樹斷蟬
心母弟重泉隔形骸二豎侵寒花嗟汝態日夕北
風尋

獨坐

獨坐悲秋夜水蟾底許清草蛩淒自語天宇碧無
情四顧水光濕一身雲影輕不眠何所思銀漢漸
西傾

作畫

水國無山買拈毫學畫山出雲茅屋古凌澗石橋

響境絕心將入圖成夢與閒傳聞五嶽勝遊福儻
吾慳

送楊文叔北上二首

親老頻離膝知君去住難穿雲出巫峽衝雪又長
安白髮春秋永青山眺覽寬子心勞負米應可當
承歡

作客逢知己依人總自傷一家吟咏隔君家兩尊
皆工三載道途忙魚腹憑波短刀頭計日長棘人
未敢送雲樹正蒼茫

溪閣秋晚和小山

敬亭詩草

卷一

七

寂爾秋遂晚落葉散復聚斷煙忽如雲池中碧天
曙秋光入靜睇會心不知處孤吟欲有贈望望夕
陽去

夜泊西關

初月荒江色新寒獨客心夜漁聞語細微火落波
深天迴數聲雁村孤幾處砧棲棲依野戍誰識謝
船吟

送玉停北上

朝沽一斗酒暮送君遠行一杯未及飲君醉我尚
醒君醉豈以酒我醒難爲情言多不得語一心空

怛怛心知不忍別何由謝榮名

天行日以南君行日以北觸熱走道中紅塵染襟
黑長安已三上甘苦君自悉詎宜曲如鈎持躬有
緘默龍劍會飛騰豈終土花蝕

在家勸君出別時願君留君留亦須與握手增離
憂河干一相送南風作清秋廻首墟里間寥寥誰
與儔東望夕陽近悵望歸林邱

寒鴉篇

夕陽冷挂枯榆梢欲落未落雲停飄羽聲肅肅風
聲作寒鴉打陣啼喧囂天荒草白江村暮埜田驚
敬亭詩草 卷一 六

起歸樵路無心更借上林棲拊翼惟愁舊巢露繞
枝啼喚如相語一點投林葉如雨薄愛誰分屋上
心飢腸耻食倉間黍機中素女乍停梭意前騷客
正長哦聲聲霞外催寒數懷冰袖短憑誰呵幾人
愁聽疎鐘送城角孤啼驚短夢夜深獨起捲簾看
一天月影和霜凍

寄懷玉停

蕭瑟荒江晚相思斗欲闌向南風總急到北雪增
寒名莫將文著人愁保素難天涯芳草歌夢寐憶
幽蘭

春寒感懷

寒威奪春和東風劇酸尖庭前有古梅年時記巡
簷冰雪一以交蓓蕾鬱緘符階鶴舞寂寂梢月懸
纖纖空含絕世姿凍蕊誰能拈素質不自見何由
和酸醎縱隨桃李開過時難爲快處士骨未葉相
憐淚應漸

花朝雪次愚千韻

年年二月賀花朝深閨翦綵紅旗飄晨粧露纈半
含吐國香絕豔矜芳條平原藹藹天蕩蕩意氣自
荷陽春驕祇今春令行肅殺羣陰雜杳相呼招玄
敬亭詩草 卷一 九

霜未解飛白雪少皤囚縮勾芒逃萬樹寒光訝玉
梅人間瑤島憐冰桃輕薄臨風低自舞却疑蝶翅
舒春嬌黃鶯紫燕斷消息柳梢雀立寒飄搖非時
盈尺豈稱瑞芳郊寂歷風騷騷腐儒呵手足悲咤
診視舛錯憑誰調不愁紅紫受凋挫但苦凍殺黃
精苗處士長逋剩孤鶴淵明歸去蕪東華咄哉隴
嶽更能幾雲埋月落留中宵火輪飛出會消滅邀
花還得傾春醪

春夜

積雨得明月相憐似故人夜庭看不厭偏映柳條

新

月夜訪僧

入夜邨墟靜，尋僧古渡東。麥香千穗露，月動一林風。茅屋犬聲外，僧房花影中。更吟慧遠句，清思白雲空。

猛虎行

南山有虎，爪戟牙斧。空山白日腥，風走樹長嘯。嚙人大喜，若怒童耄。何擇豪賢，詎吐誰曰不仁。天與神武，長戈莫投。勁弩莫注，老婦休哭。但可闔戶。

天河

敬亭詩草

卷一

二十

豈有橫空浪，虛疑太古烟。光清無月夜，影動欲秋天。孤客迢迢，泛雙情脉脉。懸轡環傍樓角，織作幾家眠。

敬亭詩草卷一終

敬亭詩草卷二 起康熙壬辰冬
訖康熙甲午

太倉沈起元子大著

辭家四首

業賤悔作士，家貧不能子。入門無可慰，出門悲乍始。銜悲復何語，長跪祝翁體。強飯慎寒煥，早卧當晏起。得心但吟咏，無問及薪米。兒行託良友，朝夕得依倚。

持門資健婦，無乃丈夫羞。舍之欲安適，霜雪河山稠。昔年恃姑愛，追思淚重流。含啼引針線，襟帶煩。

敬亭詩草

卷二

一

綢繆舖糜固，所甘藥餌宜。時投尙保金，玉軀子職兼。汝求

母在禁，兒出見出母。心苦兒今拜，母別冥冥弔黃土。念往涕難禁，欲泣恐傷父。母在兒體瘠，母沒兒

病瘡。慈魂倘依戀，道路乞兒輔。茫茫獨立悲，悲風起楸樹。

起楸樹

柴門掩衰草，日落枯槐枝。黃葉滿空庭，黃花滿荒籬。方悲別隣里，何況親與知。驅車入北風，寒魚赴冰池。人生不得意，詎得辭噉噉。

留別愚千